

Ֆինանսական միջնորդների շրջանակ (FIF)- Արեվելյան գործընկերության «ՓՄՁ-ների մրցունակության ծրագիր» - Ամերիաբանկ

Երկիր:
ՀԱՅԱՍՏԱՆ

Ծրագրի համարը:
51732

Բիզնես ոլորտ:
Ֆինանսական հաստատություններ

Պետական/մասնավոր
ՄԱՍՆԱԿՈՐ

Բնապահպանական կատեգորիա:
ՖՀ

Հաստատման ամսաթիվը:
14-ը դեկտեմբերի, 2021

Կարգավիճակը:
Գտնվում է ուսումնասիրության փուլում, վերջնական ստուգման
ընթացքում է

Ծրագրի ամփոփ փաստաթղթի
անգլերեն տարբերակի
հրապարակման ամսաթիվը
14-ը դեկտեմբերի, 2021

*Առաջնորդվելով Տեղեկատվության հասանելիության մասին հրահանգի 1.4.2 (iii) բաժնով՝ «Բանկի
ղեկավարության կողմից հաստատված այն ծրագրերը, որոնց հաստատման լիազորությունը պատվիրակել է
Տնօրենների խորհուրդը, Ծրագրի ամփոփ փաստաթուղթը պետք է հրապարակվի «առարկություններ չկան»
համապատասխան ծանուցման ժամկետի սկզբում Բանկի անդամ հանդիսացող երկրին՝ համաձայն ՎՁԵԲ-ի
հիմնադրման Համաձայնագրի 13(iii) հոդվածի»:*

Ծրագրի նկարագրություն

ԵՄ-ի հետ համագործակցությամբ ՎՁԵԲ-ի կողմից հիմնադրված՝ Արևելյան
գործընկերության «ՓՄՁ-ների մրցունակության ծրագրի» (EaP SMEC) շրջանակներում
մինչև 5 մլն ԱՄՆ դոլարի չափով առաջնային վարկի տրամադրում Ամերիաբանկին՝
օգնելու ֆինանսավորել ներդրումները միկրո, փոքր և միջին ձեռնարկություններում
(ՄՓՄՁ)՝ աջակցելու տեխնոլոգիաներում կայուն ներդրումներին, ինչպես նաև

արտադրանքի որակի, մասնագիտական առողջության և անվտանգության, շրջակա միջավայրի պահպանության լավագույն ստանդարտների ապահովմանը և խթանելու կանաչ տեխնոլոգիաների կիրառումը՝ դրանով իսկ ուժեղացնելով ՄՓՄՁ-ների մրցունակությունը տեղական և տարածաշրջանային մակարդակներում:

Ծրագրի նպատակները

Ծրագիրը Ամերիաբանկին հնարավորություն կընձեռի ֆինանսավորել հայաստանյան ՄՓՄՁ-ների երկարաժամկետ ներդրումները՝ արդիականացնելու իրենց տեխնոլոգիաներն ու սարքավորումները, որն անհրաժեշտ է արտադրանքի որակի, առողջության և անվտանգության միջոցառումների և շրջակա միջավայրի պահպանման տեսանկյունից ԵՄ-ի չափանիշներին համապատասխանելու համար: Ակնկալվում է, որ բոլոր ֆինանսավորվող ենթավարկերի առնվազն 70 տոկոսը կհամապատասխանի ՎՋԵԲ-ի՝ Դեպի կանաչ տնտեսություն անցման (GET) մոտեցմանը: Ի հավելումս երկարաժամկետ ֆինանսավորմանը՝ դիմելու իրավունք ունեցող ենթավարկառուներն իրենց ներդրումային նախագծերի ավարտից հետո կստանան տեխնիկական և դրամաշնորհային աջակցություն՝ ներդրումային խթանների տեսքով:

Ազդեցությունն անցումային շրջանի վրա

Վաղ անցումային շրջանի վրա ազդեցության ցուցանիշը՝ ETI 75

Ակնկալվում է, որ ծրագիրն ուղղված կլինի առկա այն շուկայական խոչընդոտներին, որոնց հետ բախվում են ՓՄՁ-ները անհրաժեշտ ներդրումներ կատարելիս (միջնաժամկետ և երկարաժամկետ ֆինանսավորման սահմանափակ հասանելիություն, համապատասխան բարելավումների սահմանման և մշակման համար տեխնիկական փորձագիտության բացակայություն): Ծրագիրը նաև ավելի կհզորացնի Ամերիաբանկի կարողությունները նպատակային ներդրումների գնահատման և ֆինանսավորման ոլորտում:

Հաճախորդը

ԱՄԵՐԻԱԲԱՆԿ ՓԲԸ

Ամերիաբանկը հայաստանյան բանկային ոլորտի 17 բանկերից ամենախոշորն է ընդհանուր ակտիվների մասով (շուկայական մասնաբաժինը՝ 15,7%, իսկ հաշվեկշիռը՝ 2,2 մլրդ ԱՄՆ դոլար 2021թ. երրորդ եռամսյակի դրությամբ): Բանկը նաև շուկայի առաջատարն է սեփական կապիտալի չափով, վարկային պորտֆելի և զուտ շահույթի ցուցանիշներով: Այն գործում է խոշոր քաղաքներում ու ամենաբնակեցված շրջաններում տեղակայված իր 22 մասնաճյուղերի միջոցով՝ շուրջ 1100 աշխատակիցներով:

ՎՋԵԲ-ի կողմից տրամադրվող ֆինանսավորում

5,000,000.00 ԱՄՆ դոլար

Ծրագրի ընդհանուր արժեքը

5,000,000.00 ԱՄՆ դոլար

Հավելյալություն

Ֆինանսավորման կառուցվածքը- ՎՁԵԲ-ն առաջարկում է շուկայում առևտրային աղբյուրներից ողջամիտ ժամկետներում և պայմաններով ոչ հասանելի ֆինանսավորում (օրինակ՝ շուկայում առկա միջինից ավելի երկար ժամկետ և արտոնյալ ժամանակահատված), ինչն անհրաժեշտ է ծրագիրը կառուցելու համար:

Ֆինանսավորման նորարարական կառուցվածքներ եվ/կամ գործիքներ. ՎՁԵԲ-ն առաջարկում է նորարարական կանաչ ֆինանսավորման գործիք, որը ֆինանսավորման կառուցվածքի մեջ միավորում է այնպիսի ասպեկտներ, ինչպիսիք են կլիմայական և բնապահպանական, սոցիալական և կառավարման (ԲՍԿ՝ESG) ստանդարտները և/կամ կլիմայական և ԲՍԿ ռիսկերի նկատառումները: Օրինակ, վարկի գնագոյացման և/կամ արտոնյալության մակարդակի ճշգրտում՝ կլիմայական ռիսկի մակարդակը և/կամ կլիմայի ոլորտում դրական ազդեցությունները (օրինակ՝ ջերմոցային գազերի արտանետումների կրճատումը և կլիմայի կայունության առավելությունները) արտացոլելու համար:

Գիտելիք, նորարարություն եվ կարողությունների զարգացում. ՎՁԵԲ-ը տրամադրում է փորձ, նորարարություն, գիտելիք և/կամ կարողություններ, որոնք էական են ծրագրի նպատակները ժամանակին իրականացնելու համար, այդ թվում՝ աջակցություն հաճախորդի կարողությունների հզորացմանը:

Բնապահպանական եվ սոցիալական ազդեցության ամփոփ նկարագիր

Դասվել է ՖՀ (FI) կատեգորիայի (2019 ԲՍԲ): Ամերիաբանկի կատարողականն անցյալում և գործող վարկերի գծով առ այսօր տրամադրվող տարեկան բնապահպանական և սոցիալական (ԲևՍ) հաշվետվությունները գնահատվել են բավարար: Կպահանջվի, որ Ամերիաբանկը շարունակի համապատասխանել Գործունեության 2-րդ, 4-րդ և 9-րդ պահանջներին (PR), իրականացնի բնապահպանական և սոցիալական կիրառելի ընթացակարգերը և Բանկին ներկայացնի բնապահպանական և սոցիալական տարեկան զեկույցներ:

Տեխնիկական համագործակցություն եվ դրամաշնորհային ֆինանսավորում

ՏՀ- Ծրագրի բարեհաջող իրականացման համար Ամերիաբանկը կօգտվի Եվրոպական միության կողմից ֆինանսավորվող տեխնիկական աջակցության ծրագրից: Բացի այդ, նախքան ներդրումային խրախուսումները համապատասխան ՄՓՄՁ-ներին տրամադրելը ենթածրագրերի տեխնիկական իրագործման ստուգման նպատակով ներգրավվելու է ստուգման գծով խորհրդատու:

Առանց ՏՀ: Ենթածրագրերը իրավասու կլինեն ստանալ Եվրոպական միության կողմից ֆինանսավորվող խրախուսական դրամաշնորհներ (ներդրումային ծախսի և համապատասխան ենթավարկի տրամադրված գումարի ցուցանիշներից առավել

փոքր ցուցանշի մինչև 15%-ի չափով):

Ընկերության կոնտակտային տվյալները

mailto:office@ameriabank.am

<https://ameriabank.am/>

Անցումային շրջանի ընկալումը

Այստեղ կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՋԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների կամ գնումների համար դիմե՛ք հաճախորդի ընկերությանը:

ՎՋԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար այցելե՛ք [ՎՋԵԲ-ի գնումներ](#):

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Կարող եք անել կոնկրետ հարցումներ՝ օգտագործելով [ՎՋԵԲ-ի հարցումների ձևաթուղթը](#):

Բնապահպանական և սոցիալական քաղաքականություն (ԲՍՔ)

ԲՍՔ-ն և դրա հետ կապված՝ Գործունեության նկատմամբ պահանջները (ԳՊ-ներ) սահմանում է այն ուղիները, որոնց միջոցով ՎՋԵԲ-ն իրականացնում է իր հանձնառությունը՝ խթանել «Էկոլոգիապես առողջ և կայուն զարգացումը»: ԲՍՔ-ն և ԳՊ-ները պարունակում են հատուկ դրույթներ, ըստ որոնց հաճախորդները պետք է համապատասխանեն տեղեկությունների հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դյուրացնելու նպատակով, մասնավորապես, հաճախորդի և ծրագրի կողմից բնապահպանական և սոցիալական ասպեկտների կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՋԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն

ծրագրից բխող ռիսկերի և ազդեցությունների մասին կամ բովանդակային խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքեն դրանց:

Այս կապակցությամբ ՎՁԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍԶ](#)-ում:

Բարեվարքություն և համապատասխանություն

ՎՁԵԲ-ի Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետևերդրումային փուլերում:

ՀՎԳՏԳ-ն նաև պատասխանատու է ՎՁԵԲ-ի կողմից ֆինանսավորվող ծրագրերում կեղծիքի, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրանից դուրս, ով կասկածներ ունի, որ առկա են կեղծիքի կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ compliance@ebrd.com: Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Չեկույցները կարող եք ներկայացնել Բանկի կամ Բանկի գործունեության ցանկացած երկրի լեզվով: Տեղեկությունը տրամադրելիս անհրաժեշտ է դրսևորել բարեխիղճ մոտեցում:

Տեղեկությունների հասանելիության քաղաքականություն (ՏՀՔ)

ՏՀՔ-ն սահմանում է, թե ինչպես է ՎՁԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի 2020թ. հունվարի 1-ից ուժի մեջ մտնելուց հետո նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություն կա ՎՁԵԲ-ի կայքում:

Տեղեկություններ ստանալու համար կարող եք կոնկրետ հարցումներ ներկայացնել՝ օգտագործելով [ՎՁԵԲ-ի հարցումների ձևաթուղթը](#):

Ծրագրերի հաշվետվողականության անկախ մեխանիզմ (ԾՀԱՄ)

Եթե Հաճախորդի կամ Բանկի հետ բնապահպանական և սոցիալական ասպեկտների կամ հրապարակայնացման հետ կապված խնդիրների լուծմանն ուղղված ջանքերն (օրինակ, Հաճախորդի՝ Ծրագրի մակարդակով բողոքարկման մեխանիզմի կամ Բանկի դեկլարության հետ անմիջական ներգրավման միջոցով) ապարդյուն են, ապա անհատներն և կազմակերպությունները կարող են դիմել ՎՋԱԲ-ի՝ Ծրագրերի հաշվետվողականության անկախ մեխանիզմին (ԾՅԱՄ)՝ իրենց մտահոգող խնդիրների լուծումը ստանալու համար:

ԾՅԱՄ-ն անկախ եղանակով քննում է Ծրագրի հետ կապված խնդիրները, որոնք, ենթադրաբար, վնաս են պատճառել (կամ, հավանաբար, կարող են վնաս պատճառել): Մեխանիզմի նպատակն է. աջակցել Ծրագրի շահագրգիռ կողմերի միջև երկխոսությանը՝ շրջակա միջավայրի, սոցիալական ասպեկտների և հրապարակայնացման հետ կապված խնդիրները լուծելու նպատակով, պարզել, արդյոք Բանկը համապատասխանել է իր իսկ [Բնապահպանական և սոցիալական քաղաքականությանը](#) կամ իր՝ [Տեղեկությունների հասանելիության քաղաքականությանը](#)՝ Ծրագրին վերաբերող կոնկրետ դրույթներին, և, անհրաժեշտության դեպքում, վերացնել այդ քաղաքականություններին վերաբերող ցանկացած անհամապատասխանություն՝ միաժամանակ կանխելով Բանկի անհամապատասխանության դեպքերն ապագայում:

Խնդրում ենք այցելել [Ծրագրերի հաշվետվողականության անկախ մեխանիզմի կայքէջը](#)՝ իմանալու ավելին ԾՅԱՄ-ի և նրա լիազորությունների մասին, ինչպես [Դիմում ներկայացնել](#)՝ ստուգում անցկացնելու համար, կամ կապ հաստատել ԾՅԱՄ-ի հետ էլ-փոստով ipam@ebrd.com՝ ԾՅԱՄ-ի և դիմում ներկայացնելու վերաբերյալ ուղղորդում և լրացուցիչ տեղեկություններ ստանալու համար: